

### XIII.

## Džěćikemšenje.

Džěćikemšenje ma so, je-li někak móžno, w Božim domje wotdžeržeć. Džěćom njech so spěwaŕske do rukow dadža, w kotrychž nic jenož cyrkwine khěrluše, ale tež druge duchowne ludowe spěwy steja.

#### 1. Zawódnny khěrluš.

210. **2. Duchowny** (praji abo spěwa): W mjenje Wótca a Syna a swjateho Ducha.

Džěći (spěwaja): Hamjeń.

211. **Duchowny** (praji abo spěwa): \*Dajće džěćatkam ke mni přińć a njewobarajće jim, přetož tajkich je kralestwo Bože.

Džěći (spěwaja): K nam přińdž, Knježe, twoje kralestwo.

212. **Duchowny** praji abo spěwa zawóдне słowo swjateho pisma, po času cyrkwineho lěta wuzwolene.

Džěći (spěwaja): Česć budž Wótcej a Synej a swjatemu Duchej, kaž było je w spočatku, nětko a přeco a wot wěčnosće hač do wěčnosće. Hamjeń.

213. **Duchowny** praji krótke hrěchi wuznaće, n. př.: Knježe, nje-spominaj na hrěchi mojeje młodosće ani na žane moje přestupjenja; spominaj pak na mnje po twojej smilnosći twojeje dobroćiwosće dla.

\* Intonacije, słowo hnady a kollekty su jenož jako přikłady naspomnjene.